

古今醫史

古今醫史序

夫天下之事宗儒理之真實則為正道稍涉虛偽即為邪說况醫也者出上古立極之神聖法天地生成之德極群黎疾病之危立經立典垂為萬世之則實我儒佐理治平之學壽世保身之道也故儒與醫皆明心見性之學脩身事君事親之本不謂後世好奇好性沉沒孔孟格致實理誤信釋老欺世虛談習染無疑浸淫不覺嗟乎昔為楊朱墨翟之害今為二氏之惑宋儒以後不但不為之闢正反崇其說而入其彀何陷溺之深若是之甚耶然醫理真實雖臻神化而不越乎日用平常之

法何世醫之誕妄輒謂醫道通仙道斯言一出更助老氏
之誣使文人士大夫酷信崇奉以致方士之流異言異服
創立不死之丹盡惑謀利如始皇好長生遣徐市入海求
不死之藥漢武好僊畏死被方士誑童女金銀而不返韋
訊道之眩惑玄宗信之而不疑壺公懸壺之幻術費長房
師事而深迷徐秋夫之鬼弄張遠遊之九轉神丹種種不
經不可勝紀龐安常謂華陀之術非人所及迺史氏之妄
誠者是言也余於醫學廣嗣諸書已啟其緒恐未盡明晰
是以不揣愚陋溯古及今前列古帝前聖洎歷代明哲凡
史傳所載醫籍所紀合於聖賢之旨者則仍之涉於恠誕

之說者則辨而正其誤或醫庸而名振胸次一魚真學者
不錄之或隱居好道高尚其志而有著述者必採而入之
名曰古今醫史但余言直而不諱意欲挽世風而矯習俗
然人情好惡不同明理之士固多而好異之流亦不少知
我罪我其惟此書乎是為序

康熙三十六年小春古吳王宏翰撰

古今醫史目錄

卷之一

五帝

伏羲氏

神農氏

有熊氏

伏羲季

岐伯

伯高

鬼史區

俞跗

少俞

桐君

雷公

苗父

馬師皇

巫咸

三代商

伊尹

古今醫史

目錄

周

巫彭

矯氏

俞氏

盧氏

春秋

醫旬

醫和

高緩

戰國

文摯

長桑君

扁鵲

李醯

子陽

子豹

秦

安期生

壺公

漢

淮南子

淳于意

王遂

高期

杜信

涪翁

杜度

三國魏

華陀

公陽慶

樓護

宋邑

王禹

張伯祖

程高

衛沈

李當之

公孫光

秦信

馮信

唐安

張機

郭玉

韓康

吳普

古今醫史

目錄

樊

阿

董

奉

吳

呂

廣

卷之二

晉

王叔和

李子豫

皇甫謐

張苗

張華

宮秦

劉德

史脫

靳邵

阮侃

裴顛

許遜

單道開

葛洪

范汪

蔡謨

殷仲堪

程據

支法存

卷之三

南北朝

南宋

徐熙

徐秋夫

徐道度

徐叔向

徐文伯

徐嗣友

羊所

秦承祖

劉涓之

僧深

雷敷

北齊

褚澄

徐騫

徐雄

徐之才

徐之範

徐敏齋

古今醫史

目錄

張子信

馬嗣明

王顯

周澹

張遠遊

李元忠

李密

崔季舒

祖珽

鄧宣文

梁

陶弘景

甘澹之

趙贊

宋俠

姚僧坦

褚該

李修

姚最

隋

甄權

甄立言

莫君錫

任 度
全 元 起
文 梅

巢 元 方
許 智 藏

楊 上 善
許 澄

卷之四

唐

孫思邈

王 燾

玄珠先生

王 冰

韋訖道

張文仲

許胤宗

蕭 炳

秦鳴鶴

孟 詵

陳藏器

楊損之

李世勣

于志寧

蘇 恭

狄仁傑

楊玄孫

紀 朋

王伯彥

張 鼎

劉禹錫

李 珣

咎 殷

鄭 虔

李含光

杜善方

殷子巖

五代 南唐

陳士良

李雲卿

甘伯宗

蜀

孟昶

韓保昇

唐慎微

李諤

卷之五

宋

劉翰

吳復珪

王光佑

馬志

蘇頌

陳昭遇

陳承

日華子

洪蘊

掌禹錫

崔嘉彥

馮文智

王懷隱

趙自化

王惟德

許希

錢乙

閻季忠

孫用和

高保衡

孫奇

林億

孫兆

文彥博

一
一
一
一

沈括

僧智緣

陳孔碩

朱熹

僧道廣

楊文修

初虞世

張橫

謝復古

陳文中

李師聖

王安石

許叔微

史崧

李防樂

吳廷紹

蘇澄

裴宗元

張杲

陳自明

郭禧中

范九思

許弘

龐時

吳源

江嘉

朱肱

陳師文

錢聞禮

王纂

楊士瀛

張銳

張肱

王克明

皇父坦

宋道方

耶律敵魯

冠宗爽

史堪

程約

陳言

唐與正

王旣

趙密

楊介

郝允

劉元寶

趙卿

丁德用

王宗正

李知先

王實

王碩

周與權

虞庶

王朝奉

楊退修

卷之六

金

成無已

竇漢卿

竇桂芳

劉完素

張元素

張璧

齊德之

李惟熙

紀天錫

柳貫

張從正

夏子益

卷之七

元

直魯古

耶律楚材

麻九疇

李杲

王好古

羅天益

危亦林

吳恕

李慶嗣

范益

尚從善

潘環

王珪

周順

許國貞

吳瑞

羅知悌

朱震亨

滑壽

徐文中

葛應雷

葛乾孫

周真

黃子厚

項昕

李仲南

程德齋

趙嗣真

王履

趙良

倪惟德

呂復

戴起宗

吳草廬

謝縉翁

陳瑞孫

袁坤厚

徐止善

王世相

錢溥

續增古今醫史目錄

明

劉基

戴元禮

王仲光

盛啟東

蔣用文

吳東園

劉純

何彥徽

沈蟬

臧仙

韓懋

祝仲寧

韓奕

黃濟

黃編

張養正

陶華

吳澆

王綸

劉敏

鄒福

顧俊

董宿

郁震

古今醫史

目錄

土

郁性定
周禎
盧志
薛己
戚端明
虞博
傅滋
王典
邵應節
皇甫中

許堪
唐椿
沈穀
何柏齋
顧惠岩
陸彥功
汪涓
汪宦
殷渠
錢瑛

陶浩
唐煬
許紳
程介
孫東穀
方廣
徐杏莊
高武
陳景魁
方一誠

吳顯忠

程明佑

程明助

周憲王

徐彥純

婁英

吳綬

方有執

錢實

李濂

薛鎰

楊繼州

汪機

吳勉學

杜清碧

徐春甫

陳嘉謨

王肯堂

繆希雍

吳崑

馬蔣

魏桂岩

楊牛江
黃石宰

李少陽

萬全

趙燁

彭瑞吾

聞人規

李樸

胡重禮

屠鵬

李時珍

程式

王璽

程伊

劉敏

殷傅

吳傑

巴應奎

江應宿

侯維漢

趙可獻

徐鳳

俞子容

熊宗立

張致和

劉遵道

汗忱

李挺

張介賓

李言聞

王宗顯

徐建鳳

劉全備

王時勉

程嘉祥

周漢卿

許國禎

汪瑾

龔信

龔廷賢

徐鎔

陸金

朱惠明

徐鏊

王國臣

翁仲仁

王三陽

吳洪

沈以潛

王廷爵

王曰達

孫二童

吳應湯

續增古今醫史目錄

本朝

施沛

秦昌遇

葉天生

趙叢菴

李中梓

李延

喻昌

張遂

徐枋

張志聰

程應旆

陸麗京

施有仁

盧雲生

黃泰灝

沈應暘

戈存樞

虞博民

錢捷

尤乘

蔣示言

錢子阜

張璐

蕭燠

古今醫史 目錄

七

費啟泰

汪昂

李用粹

周揚俊

汪琥

陳治

葉桂

王宏翰

附醫案

柯琴

羅美

薛雪

王子接

郭佩蘭

繆松心

沈季龍

潘揖

續增古今醫史目錄終

古今醫史卷之一

古吳浩然王宏翰惠源著輯

慎菴錢顧琛獻候恭訂

梁溪省吾吳文鎔子良恭較

兄 王 夏禹生恭閱

兄 王 楨寧周同訂

五帝

太昊伏羲氏

太昊之母諸英居於華胥之渚生帝於成紀以木德繼天
而王故風姓有聖德象日月之明故曰太昊都於宛丘

即今陳州

其理天下也仰觀象於天俯觀法於地中觀萬物於人及
鳥獸之文與地之宜近取諸身遠取諸物始畫八卦以通
神明之德以類萬物之情而易理始起造書契以代結繩
之政上古男女無別帝始制嫁娶正姓氏通媒妁以重人
倫之本作二十七弦之琴三十六弦之瑟以脩身理性反
其天真所以六氣六腑五行五藏陰陽水火升降得以有
象而百病之理得以類推為醫道之聖祖與神農軒轅為
三皇立廟春秋祀焉

炎帝神農氏

炎帝少典之子母安登生帝於姜水故以姜為姓以火德

王天下故曰炎帝有聖德始教民耕種五穀而農事始興
故曰神農帝憫生民不能無疾故察夫草木之性可以愈
疾者神而明之作方書以療民疾而醫道始興民無夭折
之患後世賴焉著有本草經三卷至南北朝陶弘景以名
醫別錄加之為七卷至唐李勣許孝忠等奉詔更復採摭
去陶氏之乖違辨俗用之純謬纂修為二十卷行於世矣
帝聖德澤民恩垂萬世故有神聖稱也

正誤 宏翰按神農嘗百草一日遇七十毒此言出自淮南子明王履極辯其誣夫神農乃立極之大聖也察陰陽
達造化神而明之何獨於百草必嘗而知之耶且毒之有

大小也設一日而遇七十毒則毒之小也因不死而可解
若遇毒之大者入口即死矣孰能解之又孰能復活之此
淮南子之寓言惑世已久豈可不為辯正使後世再為之
惑也

又按伏羲蛇首人身神農牛首人身之說甚屬虛誕夫
得天地之最秀陰陽之至和尊貴于萬物者異於禽也
豈有立極之神聖反有此獸形者乎推格至理必無此事
且天地開闢自盤古氏之後有天地人三皇相繼而立雖
屬難稽然初無此等異相何羲農繼立極之君開物成務
本之聖反有此怪異之說乎因世人好怪故有是言孟子

曰盡信書不如無書旨哉斯言也殊不知蛇首牛首之言蓋模擬略似云耳非其形之真似也如仲尼面似蒙俱周公身如斷菑傳說體似植鱗皋陶色如削衣皆模擬其形之略似爾原非實有其形也而後世之人塑二聖之像乃塑出牛蛇之形污辱於大聖莫甚於此予是以不得不為之辯正也

黃帝有熊氏

黃帝公孫姓初神農氏母弟世嗣少典為諸侯帝榆罔之代少典國君之妃曰附寶者生帝於軒轅之丘因名軒轅國於有熊故曰有熊氏長於姬水故又以姬為姓以土德

王天下故稱黃帝帝生而神靈弱而能言幼而狗齊長而
敦敏成而聰明帝受河圖見日月星辰之象知天體之運
行占斗綱所建始作甲子帝以人之生也負陰而抱陽食
味而被色寒暑易之於外喜怒攻之於內天昏去孔君民
代有乃察五氣五運立洞性命記陰陽咨咨岐伯而作內經
復命俞跗岐伯雷公察明堂究息脉桐君處方餌而人得
以亨天年其內經八十一卷學者宗之照如日星焉命元
妃西陵氏教民五穀蘇從世賴之得以衣服焉
正誤宏翰按丹經所載黃帝受青牛紫府玄女鼎九丹成
鑑載黃龍下迎昇天之說甚為虛誣予年四旬餘夙夜討

究性命之學稍知格致之理天地四元行之本於廣嗣脉
鑑醫學原始三書內經畧詳述至於丹經老氏恠異誣世
之談先經五峰胡氏所闢謂之妖妄惑世旨哉是言也其
黃龍迎帝昇天之說予將格物之理詳論並破丹經老氏
邪誣之惑蓋物之有內軀者則不能變形之大小也或形
之大小者乃以邪術幻人之目其寔肉軀未嘗能變也夫
龍乃有內軀之鱗族也因龍行有風雨相送之異世人好
奇卽喻之其能可大可小之靈及龍玉龍女之說甚致或
有現形者此不但愚夫愚婦信之而儒士文人亦信之而
不疑殊不知現形而人經目睹者乃邪魔附會顯跡其實

龍不能變形而可為龍王龍女者也且龍本水族生長於地不能離水而升騰空中其高不過一二十里其升騰非其本性之所好因春夏之後地氣上升水性不靜龍不能潛故不得已而隨氣上升而騰移藏別水若騰時或遇風狂則龍不能自主過山峰撞傷而死者亦多有之故深山谿谷之間有見死龍也一至秋冬地氣降藏龍有何能而自升然天高幾萬里而龍騰廿里何能至天則迎帝升天之謬顯然明晰矣至於受青牛紫府玄女等說猶屬誣世鄙俚之談據此推類可以不辨而自明矣

又按飛龍雲中取水一端概世認為真龍者誤矣夫深山

有蜃卵大蛇年久變成蛟龍至春夏之間出於山石之中
有暴風大雨水湧淹沒房屋者此事不時有之此蛟龍一
出歸入湖海靜居不動或遇春末夏初地氣上升水動不
靜而龍小得安騰移別水而有龍陣過之說則有之若言
其空中取水佈雨人所目睹時刻長久像似真龍者非也
此乃空中燥氣為寒雲所逼有一線放下而下面地上之
濕氣得吸接此燥氣直奔趨上或在江湖或在山石或在
平地皆然少頃燥得濕氣相和或為雲即雨或為雲即散
而清明者若真龍取水或雲散而清明此時龍體顯露何
竟無一見何隨雲消散而無影則知是燥氣而非龍又顯

然明晰矣 或曰若果燥氣何以春夏見而秋冬不見何也曰此正謂春末夏初日行北陸燥勢之氣常多故時見之如夏日之見冰雹也此理於醫學原始二卷內詳論已晰矣

儗貸季

儗貸季按素問乃黃帝時人善理色脉而通神明合五行五色四時八風六合變化相移以觀其妙

天師岐伯

岐伯為黃帝之臣帝師之故曰天師帝咨問醫道著為靈樞素問總為內經十八卷為醫書之祖其脉理病機鍼經

運氣詳論極明靡不精奧真天生聖人以贊化育之書也

伯高

伯高氏黃帝臣未詳其姓佐帝詳論脉候窮究精奧載在內經素問

鬼史區

鬼史區黃帝臣未詳其姓佐帝發明五行五運詳論病機君臣問對盡悉奧義以為經論後世賴之出素問

俞附

俞附黃帝臣善醫術治病不以湯液醪醴鏡石矯引湯熨接見病之應因五臟之俞乃割皮解肌挾脉絡筋滿浣腸

胃激滌五臟以去百病

正誤按滌浣腸胃激滌五臟後世誤傳取出腸胃而洗滌之甚為恠誕假如皮膚之內肌肉之間病生癰毒或瘀血壅滯則可以剝皮解肌而剷除之可也其滌浣激滌乃用藥煎服蕩滌腸胃之病而去之非是取出腸胃而滌洗之也後世好奇好異誤傳其事而又神異其言以為奇事也

少俞

少俞黃帝臣俞跗弟也醫術多與其兄同

少師桐君

桐君為黃帝臣少師官名善識草木性味定上中下三品
藥物為君臣佐使撰藥性四卷及採藥錄紀其花草形色
論藥之相須相反立方處治寒熱之宜其言散在各書至
今傳之不泯出本草序

太乙雷公

雷公黃帝臣也帝燕坐召雷公問曰汝受術誦書若能鑿
觀雜學別異比類通合道理子務明之可以十全若不能
知為世所怨又曰子知醫之道乎對曰誦而頗能解解而
未能別別而未能明明而未能彰足以治群僚不足治王
侯願得受樹天之度四時陰陽合之別星辰與日月光華

以彭經術帝曰善無失之而道上知天文下知地理中知人事可以教衆庶可傳後世為寶雷公曰請受道誦解帝曰嗚呼遠哉閔閔乎若視深淵若迎浮雲視深淵尚可測迎浮雲莫知其際聖人之術為萬民或有法有則循經猶譽為萬民副故有五過四德汝知之乎雷公避席再拜曰臣年幼小蒙遇以惑不聞願致齋七日君臣同對盡志傳受其經脉至教從容五過四失陰陽盛衰精微大道諸篇載在素問

苗父

苗父者上古神醫也名醫所載謂其以菅為席以芻為狗

人有疾求醫但北面而咒十言即愈世謂此乃祝由科之始也

正誤按以窮狗用咒乃幻術怪說聖人所不言而惑世之首也假使咒十言而疾即愈則上古神農黃帝諸聖兢兢制經詳論何太苦而多爭耶此即中古所出老氏之術竇屬旁門非真正道也此乃後人好奇造作神異其言也何古之有此奇事而今世獨無一見耶故云盡信書不如無書信哉言也 或曰符咒療疾上世固有何子執一偏之見而一概闢之乎請問其由曰子乃未明神鬼二字神者正神也鬼者邪魔也並非同類也因

人庸愚不完聖賢之學惑於釋老之言迷入年久無不
隨世逐波即士大夫亦酷信之而不覺今悉其一二條
理自明矣夫神乃主公無瑕毫無私教豈為人之細事
反惑符咒時刻差遣奔走乎此符咒者亦魔計所為也
然魔性純惡鼓惑世人誘陷異端人為迷入魔意始快
但人受惑之情不一好奇好怪之性居多魔乘其便費
以愛應憂以憂應逞人所欺借世之符咒以顯其奇跡
也或人邪淫過度或謀慮不正自覺罪孽致疑鬼魔迷
悔心生魔景借信咒語之靈釋人之疑而病得愈者有
之若病在臟腑之間骨髓之內雖咒千萬語總無一愈

以致因循日久藥石反不能救之嗚呼痛哉究其實理而鬼神未常來侮而遇夫愚婦自疑自悔所致也故云邪不勝正旨哉斯言也

按朱克柔曰內經云言之治病惟遺精變氣可祝由而已祝由者祝病之由以告于神即禱爾于上下神祇之意則知祝由一科上古之遺矣

馬師皇

馬師皇黃帝時醫也善識馬形馬病生死治之即愈乃獸醫之祖也

正誤按列仙傳所載一龍有病來求馬師皇之針得針

而愈後一旦為龍負而去之說比更誕妄而龍之辨論
已於黃帝傳下辨悉明白矣但列仙傳係後人好事者
造作將一二實事為據演述成部故其所載之事世人
觀之再喜其寔虛縵無根即今世之小說傳技也後人
不核其理一任信之致生妄念妄為若明達真儒同格
物理原無為其所惑也

巫 咸

巫咸堯帝時臣也以鴻術為堯醫能祝延人之壽愈人之
病祝樹樹枯祝鳥鳥墜

正誤按禍福壽夭皆

上帝鑒降若術可以祝福亦可

以祝福則能操乎禍福之權而上帝之權似可育若無矣歷世久遠係好事者造作而說誣已極我儒素擯之而不談也

朱克柔云祝人詛物術近於邪此周禮巫覡之流歟

三代

商

伊尹

伊尹湯之相也佐湯伐桀救民於水火放太甲於桐宮乃聖之任者也憫生民之疾苦作湯液本草明寒熱濕涼之性酸苦辛甘鹹淡之味輕清重濁陰陽升降之氣行十二

經略表裏之宜後世醫述藥性湯液者皆祖伊尹者也

周

巫彭

按史紀巫彭初作周醫官精入微奧言人惟五穀五菜療其疾五聲五色視其生觀之以九竅變參之以五行之動逆用五毒攻之以藥療之

矯氏 俞氏 盧氏 以上三人無傳並周之良醫也

春秋

醫 均

均春秋時人秦之良醫也未詳其姓有張子求療背疾謂

之曰此非我背任君治之均醫之即愈必有所委後有所
任治之也 出尸字

醫 和

和春秋時人秦之良醫也未詳其姓晉平公求醫於秦秦
使醫和治之曰不可為也公近女色之疾如蠱淫溺惑亂
之所生也良臣將死天命不佑淫生大疾過則為菑陰淫
寒疾陽淫熱疾風淫末疾雨淫腹疾晦淫惑疾明淫心疾
君今不節而淫不可為也公曰良醫是歲趙文子果卒其
平公亦薨 出春秋左傳

正誤按診君之脉而知良臣將死者乃醫和神乎色脉

也當時平公疾文子侍側和見文子之色氣哀神敗是
以有知良臣將死之言也

醫 緩

姓高名緩春秋時之秦人之良醫也晉景公有疾求醫秦
伯秦伯使緩往治未致景公夢二豎子相謂曰緩良醫也
我輩將逃之一曰我居育之上汝居膏之下其奈何我緩
至視公曰疾不可為也在育之上膏之下攻之不及藥之
不至不可為也公曰良醫厚禮歸之

文 執事

文執戰國時人宋之良醫也洞徹醫道兼能異術龍叔子

有疾文摯令背明而立從後視之曰我見子之心方寸之地靈矣治之遂愈齊閔王疾召摯視謂太子曰王疾得怒當愈後殺摯奈何太子曰吾當與母共保於王不殺摯不解履登牀王怒疾即愈

朱克柔云內經藏象篇云思傷脾怒勝思閔王疾或因積思所致摯激其怒使之氣勝而得愈乎

長桑君

長桑君者姓長桑名過戰國時人常遊渤海鮮有識之莫知其由來桑君過舍扁鵲奇之謹以禮遇桑君亦知扁鵲非常人乃悉取禁方授之

出左傳

扁鵲

秦姓名越人號扁鵲秦之盧國渤海郡人得素問靈樞之
旨著難經有八十一問至今尚行於世又著脉經原本未
見散於王叔和脉經內少為金長舍容長桑君扁鵲奇之
嘗善遇之長桑善醫乃出禁方與之飲以上池之水三十
日當知物矣鵲如其言飲水果視疾盡見五藏癥結一日
見齊桓侯曰君疾在脉理侯曰無疾後五日復見曰君疾
在血脉又五日復見曰君疾在腸胃又五日望見齊侯曰
疾居脉理湯熨之所及在血脉針石之所及在腸胃酒醪
之所及今君疾在骨髓雖柰之何不數日侯疾作扁鵲已

逃矣侯遂蕩然則病之輕微者治之常易愈病之重者治之必難痊倘學之未至而醫道可易言哉扁鵲名振列國後被秦太醫令李醯所殺史事載

黃帝時有神醫名扁鵲者故秦越人亦名之

正誤按能見五臟癥結之說此扁鵲得靈茶之旨精于望問之奧明臟腑經絡之部位聽聲察色則知其臟某腑某經絡之疾微見氣色於外部觀外即知其內學非因能另見內藏之形也至飲上池之水此言譬喻之辭非真有上池之水可以飲之而見內藏之形也如見齊桓侯知疾在脉理而王不聽且後病在骨髓王病作而

難醫者此皆扁鵲得造望色之神妙王不信用以致無
救也 宏翰治一婦年逾七旬有子五人李夏病口瘡
咽痛吞酸食少下部泄瀉諸醫治療兩月不效將危時
己仲秋延余診治六脉虛數按之無力此年高虛火上
炎命門衰弱諸醫止用滋潤之藥使脾敗胃弱泄瀉反
劇余用金匱腎氣丸每用五錢用真秋石泡湯送下兩
服諸症減半再四服仍用秋石送下兼用參朮肉果骨
脂茯苓甘草煎劑諸症悉除女老畏藥子衆無專停藥
數天而病復發余以清晨參湯送金匱丸晚用前方加
川附煎服數日而安但年高氣血衰微若非大用參朮

恐有復發難救之虞製方金匱丸加人參鹿茸常服以
防冬寒之變諸子唯唯吞財不製至冬至果發請余診
之脉已改脫而不能救矣此信不專而又慳吝之咎也

李 醜

醜為秦國太醫令與扁鵲同時自愧醫不如鵲妬之陰使
人殺之比妨賢害能之流其技亦可知矣

正誤夫鵲為當時神醫而醜為秦之太醫而不能好學
闡究虛心博問竟嫉妬勝已陰謀使殺而不及罪則秦
之綱紀法度頹敗可知矣 嗟夫醫之一道戰國時即
衰矣無怪乎今世之醫學目下止講業而講不道惟江

南之尤甚也而江南中最下者無如嬉蘇一郡也而蘇地人居雜混市井居多延醫不講學問之深淺酷信師巫問卜諂神媚鬼妄求禍福自湯撫公諱斌疏革五聖邪神而師巫頓滅惟信鬼之心固堅延醫服藥盡出卜者之口則卜者肆行妄斷欺弄愚民致使妖僧惟道裝塑土木囑賄卜斷祭賽盈滿而卜者又受庸醫賄囑無論醫人學問有無惟憑卜斷荐之病家心信延請往往天枉無數屢見奸卜庸醫平日並不深究易理內經止賴世法諂媚交通而醫者誤人仍不自咎討習故奸卜庸醫子嗣不昌其學問精明高雅者不與卜筮往來惟

沉心博究無偏誤之咎又立言著述垂訓者余慨世無
正學醫道日卑於是纂輯醫學原始四診廣嗣本草等
書十餘種辯論天文性學之本格物致知之理免入旁
門偏安之誤稍為匡時一助云爾

子陽子豹

陽豹二人未詳其姓皆扁鵲弟子號太子死厥己元鵲使
子陽用厲鍼砭石以取三陽五會使子豹為五分之熨八
減之劑和衷之以熨兩脇下太子遂能起坐復生

安期生

安期生秦始皇時瑯琊阜郡人也性敏志學有經世之英

才少年時遊俠王侯豪氣過人年老不過避跡於醫常買
藥東海邊列仙傳所載云人稱有千歲翁始皇東海請見
與語三日夜賜金璧萬數以赤玉寫一量以報日後數年
求我於蓬萊山置之而去始皇遣徐市等入海訪知不知
其處而還此皆不經之語予有正誤于左可考

正誤按列仙傳所載安期生之事盡屬不根誕妄惑世
已久余按其履歷寔跡有蘇東坡一詩可徵其一生行
寔矣乃曰安期本策士平日交蒯通常干重瞳子不見
隆準公應如魯仲連抵掌吐長虹難堪振林洗寧揖扛
鼎雄事已兩大譯飄然籟遺風乃知輕世士出世或乘

龍宜比山澤曜忍飢啖柏松縱使偶不死正堪為僕僮
茂陵秋風客望祖猶蟻蜂海上如爪棗可聞不可達細
讀詩則知安期之跡乃一豪傑士也

壺公

壺公不知何郡人何姓名嘗懸一壺賣藥於汝南市中乃
方外術人也

正誤按列仙傳所載壺公懸一壺於肆市罷輒入壺中
費長房見之往拜俱入壺中但見玉堂清麗旨酒甘饈
共飲而出曰我神仙也子隨我入山求道長房從學以
竹杖投陂使長房騎之變龍之談此係幻術惑人但此

事誣世已久無人辨正但人之身是皆一肉軀也而一小壺何以容人至長房同入壺中而見玉堂清麗酒饋共飲及以竹杖投陂為龍等事皆方士幻術彰人之目原非寔有其事也而列仙傳乃好事者所作世人好奇好怪被惑而不究其理貿然信為實事傳為異跡竒談然我儒格致時理之事原不為其所惑故余極辯論而正之以醒後世無再為其所惑也

漢

淮南子劉安

淮南子姓劉名安乃漢室親王封淮南號淮南子性資天

成窮格物理博究羣書學極奧妙所著諸書談論曠遠皆有寓意善醫藥謂神農嘗百草一日遇七十毒後人好奇不考其實亦思之以誣世惑人宏按已經於神農紀內辨正在前至列仙傳所載淮南子有拔宅升天雞犬皆帶上天之說其言荒唐太甚而吾儒明理之士自無被惑但世多鄙學酷嗜奇異是以畧述醒迷教語於左

正誤 宏翰曰夫人得天地最秀上帝付早以靈性而覺性生性涵全故能知綱常別仁義也禽獸止賴生覺二性故止知嗜食其形性穢濁而無倫常死後散滅無存也故人為萬物之最貴者也醫學元始內有元神元

質說可考凡聖賢在世脩德純善而死後則神形粹美虛靈清潔故得上帝使靈神上升其有形肉軀返歸于土何能上陟大雅云文王在上於昭於天文王涉降在帝左右此謂聖德全美身雖既沒則其照明在上帝之左右也此言文王大聖之詩也何後世妄捏列仙一傳演說雖天昇天荒唐恠異之談致鄙俚庸人趨附而不竟

元里公陽慶

公陽慶山東人得黃帝扁鵲脈書診醫人疾洞決死生淳于意師之得其要學焉

公孫光

公孫亮溫川唐里人好醫為當時重初淳于意從之志教以妙方乃曰母以傳人意曰不敢且曰爾後必為國公吾才盡矣山東陽慶才甚奇汝師之必得也意遂辭亮而師慶

出史記

倉公淳于意

倉公姓淳于名意為齊太倉長因號倉公臨淄人少好醫窮道受師同郡元里公醫愈高視疾洞知死生齊王太后疾召意診曰風痺客暉難于大小便溺赤意葉以大齊湯一飲溲即通再飲病已溺如故其病得之由汗出滌滌然者去衣而汗稀也所以知后病者診其脉切太陰之口溼

然風氣也脉大而踈大者勝脫氣也踈者中有熱而溺赤也其醫理之神妙生平之本末備者史記倉公列傳茲不多贅

樓護

樓護字君卿平帝時人父為醫官少誦經方本草數十萬言天資敏穎老學咸重之謂曰以吾子之才何不學官護遂辭父業經官為京兆尹聲譽甚著見漢書

秦信

秦信不知那郡人少敏有度量好經方本草及黃帝扁鵲之書為當代良醫令

王遂

王遂里居未詳習經方工於治療學業精博為濟王侍御
醫

宋 邑

宋邑臨淄人至性愛人酷尚醫術就齊太倉公淳于意于
意學五診脈論之術為當世良醫

以上並見史記

馮信

馮信臨淄人為齊太倉長性好醫方精於診治臨淄王以
識見未得令學於淳于意名遂著焉

古今醫史

卷之一

漢

十九

高期為濟北王太醫令王以期術未精令就淳于意學諸經脈及奇經絡結俞穴所在定礮石刺灸之法歲餘盡通以此知名

王 禹

王禹為濟北太醫王亦以禹未盡善令就學淳于意數歲志通名當代

唐 安

唐安臨淄人言貌謙恭風儀溫雅好醫就倉公學乃為齊醫令

杜信

杜信不知何郡人謙柔好學悉心於醫受業於倉公教以
上下脉經五診之法亦亦名之漢代

張伯祖

張伯祖南陽人志性沉簡篤好方書精明脉診療痊十全
當時所重張仲景仲從而師之

張機

張機字仲景南陽人受業于張伯祖醫學超群舉孝廉官
至長沙太守仲景自序云余宗族二伯餘建安紀年以來
猶未十稔其死亡者三分有二傷寒十居其七感往昔之

淪喪傷橫夫之莫救勤求古訓博采衆方按內經傷寒治法存活甚衆著傷寒雜病論合十六卷而傷寒乃十卷二十二篇合三百九十七法一百一十三方為諸方之祖凡法移治諸症亦復如神後人賴之為醫聖又有金匱方及脈經按仲景自序云雜病論六卷喻嘉言謂卒病論六卷至晉代王叔和時脈不過兩朝相隔已不可復覩則喻嘉言卒病即雜病也經久亦遺亡矣

涪翁

涪翁廣漢人常釣魚於涪水故號涪翁善針治病應手而愈乃著鍼經脈法傳世弟子程高師之年久乃授之高亦

隱之不出

程高

程高廣漢人好醫問道無倦人有一藝長於己者必千里服膺聞涪翁善醫及鍼經脉診等書服事數年得之名擅當代為太醫丞

郭玉

郭玉廣漢雒人和帝時為太醫丞帝奇之試令嬖臣美手者雜於女子帷中使玉診脉各一手問其疾玉云左陰右陽脉有男女狀若異人帝嘆息稱善

杜度

古今醫史

卷之一 漢

廿

杜度不知何郡人仲景弟子識見宏敏器宇冲深淡於矯矜尚於救濟得仲景禁方名著當時

衛 沈

衛沈仲景弟子知書疏撰四逆三部厥經婦人胎藏經小兒顧顛經行世名著當時

韓 康

韓康字伯休京兆人常遊名山採藥賣於長安市不二價者三十餘年活人甚多時有女子買藥於康怒康守價乃曰公是韓伯休耶乃不二價乎康歎曰我曰避名今匿：女子皆知有何用藥焉遂遁入霸陵山中桓帝時以安車

聘之使者奉詔造康：不得已佯許辭安車自乘紫車冒
晨光發至亭：長以韓徹居當過方處人牛修橋道及見
康紫車幅中以為田叟也使奪其牛康即釋駕車之有頃
使者至知之歎奏殺亭長康曰老子車之非奪也亭長何
罪乃止因至中途逃隱以壽考終

魏

華 陀

華陀字元化漢末沛國譙縣人博學通經舉孝廉不仕好
養生之術又精醫方有疾求療數劑而愈視疾有宜鍼者
即而鍼一二次宜灸者即而灸一二處應手而愈著內照

圖及脉經行世至有骨髓湯藥針灸之所不及者與麻藥
一服須臾更醉死無知方破割取病若在腸胃則取滌洗之
復經定膏摩之四五日如故史紀魏志曰甘陵相夫人有
娠腹痛不安方得六月召阮診脉曰胎已死矣使人手摸
所在：右則女在左則男其人曰在左于是湯藥下之果
男形而愈曹操聞華陀術異召而常在左右操一日苦頭
風每歲作心亂目眩阮針其鬲而疾應針隨愈其後為曹
操所殺

正誤宏翰按世傳曹操有頭風之疾阮教破首治之隨
為操所殺之語但滌洗破割之言世為恠異試論頭風一

端大頭風者頭為六陽之首因虛而外風乘入理應辛
熱之藥服之或藥湯薰之使風寒之邪從汗而出則愈
矣若劈破其首發取其病不但前病不去而反又增入
外邪矣病何能得愈耶其瀉洗腸胃者如胃瘧腸瘧之
病或毒生骨節之間用刀針破之世其膿毒之氣膏摩
封之而愈或在腹皮之內而腸之外剖腹皮割洗敷藥
此法有之人疑為取出腸胃瀉洗之說則誤矣陀乃良
醫性東忠誠曾操患有頭風疾陀曰破首醫之當時陀
在左右見操奸不端實有謀操之心故為操先殺之也

李當之

李當之華氏弟子少通醫理得院之傳治病尤精名譽益著修神農本草三卷名李氏藥錄李時珍謂其書散見吳氏陶氏本草中

吳 普

吳普廣陵人華陀弟子以醫知名性恬淡善醫藥年九十而耳目聰明齒尚堅名著當代撰本草一卷今失傳矣

樊 阿

樊阿彭城人受業于華陀醫名大著

董 奉

董奉字君異侯官人精醫與人治病愈者重則種杏五株

輕則一株不數年間杏有數萬成林杏熟易穀以賑貧乏
此董奉事實也若列仙傳所載杏林有虎守等說似屬幻
術乃好事之談也

吳

呂廣

呂廣吳之太醫令也洞達醫理有註釋難經五卷行於世

古今醫史卷之一終